

პროფესიულ სტუდენტთა დისციპლინური პასუხისმგებლობის წესი

მუხლი 1. პროფესიულ სტუდენტთა დისციპლინური გადაცდომა

1. დისციპლინურ გადაცდომას წარმოადგენს პროფესიული სტუდენტის მიერ შემდეგი ქმედების განხორციელება:
 - 1.1. პროფესიული სტუდენტის, კოლეჯის თანამშრომლის, კოლეჯის ტერიტორიაზე მყოფი უცხო პირის სიტყვიერი ან ფიზიკური შეურაცხყოფა;
 - 1.2. ლექციაზე დაგვიანება;
 - 1.3. ლექციაზე უცხო პირის მოყვანა;
 - 1.4. სალექციო პროცესის მიმდინარეობისას მობილური ტელეფონით სარგებლობა;
 - 1.5. სალექციო პროცესის მიმდინარეობისას შესაბამისი მასწავლებლის თანხმობის გარეშე ვიდუო და აუდიო ჩანაწერების გაკეთება;
 - 1.6. ჩხუბი და ჭიდაობა კოლეჯის შენობაში და მის ტერიტორიაზე;
 - 1.7. კოლეჯის თანამშრომლის ნებართვის გარეშე კოლეჯის აღჭურვილობის გამოყენება;
 - 1.8. სალექციო პერიოდის დროს უმიზეზოდ, თვითნებურად კოლეჯის ტერიტორიის დატოვება;
 - 1.9. კოლეჯში ნასვამ მდგომარეობაში ან ნარკოტიკის ზემოქმედების ქვეშ გამოცხადება;
 - 1.10. კოლეჯისთვის მატერიალური ზარალის მიყენება - მატერიალური რესურსის განზრახ დაზიანება;
 - 1.11. ცივი და ცეცხლსასროლი იარაღის ტარება;
 - 1.12. ასაფეთქებელი ნივთიერებების (მაშხალა, შუშხუნა) კოლეჯის ტერიტორიაზე შემოტანა და აფეთქება, რომელთა რეალიზაცია კანონით არ იკრძალება;
 - 1.13. ნარკოტიკული საშუალებების მოტანა/გავრცელება/მოხმარება;
 - 1.14. კოლეჯის შენობაში თამბაქოს მოხმარება;
 - 1.15. ალკოჰოლის შემცველი სასმელების მოტანა/გავრცელება/მოხმარება;
 - 1.16. კოლეჯში პროფესიული სტუდენტისათვის შეუფერებელი სამოსით მოსვლა.

კერძოდ:

- 1.16.1.გამომწვევი სამოსით, მაისურით, რომელიც არ ფარავს მხრებს და წელს;

1.16.2.სამოსით, რომელზეც წერია შეურაცხმყოფელი სიტყვები ან/და გამოსახულია შეურაცხმყოფელი სურათი/კარიკატურა;

1.16.3.სამოსით, რომელიც რეკლამირებას უკეთებს ისეთი ნივთიერებების გამოყენებას, როგორც არის თამბაქო, ალკოჰოლი, ნარკოტიკი.

2. იმ შემთხვევაში, როდესაც არსებობს საფუძვლიანი ვარაუდი, რომ შედეგად გამოვლინდება პირველი მუხლის 1 პუნქტის 1.11 და 1.13 ქვეპუნქტებით გათვალისწინებული გადაცდომა, ინფორმაცია მიეწოდება სამართალდამცავ ორგანოებს.

მუხლი 2. პროფესიულ სტუდენტთა დისციპლინური პასუხისმგებლობის ზომები

1. პროფესიულ სტუდენტთა დისციპლინური პასუხისმგებლობის ზომებია:
 - ა) შენიშვნა;
 - ბ) გაფრთხილება;
 - გ) საყვედური;
 - დ) სტუდენტის სტატუსის შეწყვეტა.
2. ერთი დისციპლინური გადაცდომისთვის შეიძლება გამოყენებული იქნას დისციპლინური პასუხისმგებლობის მხოლოდ ერთი ზომა.
3. პროფესიული სტუდენტის მიმართ წერილობითი დისციპლინური პასუხისმგებლობის გამოტანის უფლება აქვს კოლეჯის დირექტორს.
4. დისციპლინური პასუხისმგებლობის ზომის გამოყენება აღინიშნება პროფესიული სტუდენტის პირად საქმეში შეტანით.

მუხლი 3. შენიშვნა

შენიშვნა პროფესიულ სტუდენტს მიეცემა კოლეჯის შიდა მარეგულირებელი დოკუმენტების მსუბუქი დარღვევის შემთხვევაში.

შენიშვნის მიცემა ხდება ზეპირი ფორმით.

მუხლი 4. გაფრთხილება

გაფრთხილება პროფესიულ სტუდენტს მიეცემა 1 მუხლის 1. პუნქტის 1.1, 1.2, 1.3, 1.4, 1.5, 1.6, 1.7, 1.8, 1.10, 1.12, 1.14, 1.16 ქვეპუნქტების უბეში დარღვევისას და იმ წესების განმეორებითი დარღვევისთვის, რაზედაც მას ადრე შენიშვნა მიეცა.

მუხლი 5. საყვედური

საყვედური პროფესიულ სტუდენტს მიეცემა გაფრთხილებისა და შენიშვნის, ან ორი გაფრთხილების მიღების შემთხვევაში.

მუხლი 6. სტუდენტის სტატუსის შეწყვეტა დისციპლინური პასუხისმგებლობის დაკისრების გამო

პროფესიულ სტუდენტს შეიძლება შეეფარდოს დისციპლინური პასუხისმგებლობის განსაკუთრებული ზომა - პროფესიული სტუდენტის სტატუსის შეწყვეტა იმ შემთხვევაში თუ:

- ა) პროფესიულ სტუდენტს მიღებული აქვს ორი საყვედური.
- ბ) პროფესიული სტუდენტის მიერ დარღვეულ იქნა 1 მუხლის 1. პუნქტის 1.9, 1.11, 1.13, 1.15 ქვეპუნქტები. ამ შემთხვევაში პროფესიულ სტუდენტს სტატუსი უწყდება მიუხედავად იმისა, გამოყენებული იყო თუ არა მის მიმართ დისციპლინური პასუხისმგებლობის სხვა ზომა.

მუხლი 7. დისციპლინური პასუხისმგებლობის მოხსნა

თუ პროფესიულ სტუდენტს სამი თვის განმავლობაში არ შეეფარდა ახალი დისციპლინური პასუხისმგებლობის ზომა, იგი ითვლება დისციპლინური პასუხისმგებლობის არმქონედ.